

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD TRAVNIK
Broj: 51 0 St 192680 21 St
Travnik, 07.12.2021. godine

Općinski sud u Travniku, stečajni sudija Amir Sobo, povodom prijedloga predlagatelja Nure Soldin likvidatora pravnog lica GLOBO LUX d.o.o. Vitez sa sjedištem u Vitezu, Polovni Centar 96, radi direktnog otvaranja stečajnog postupka nad navedenim licem, donio je dana 07.12.2021. godine, sljedeće:

RJEŠENJE

I

Otvora se stečajni postupak nad imovinom privrednog društva GLOBO LUX d.o.o. Vitez sa sjedištem u Vitezu, Polovni Centar 96. Vitez upisano u sudski registar Općinskog suda u Travniku, MBS 51-01-0064-15, JIB 4236621670008, broj glavnog računa: 1610000191290025 kod Raiffeisen bank.

II

Za stečajnog upravnika imenuje se Nura Soldin dipl. oec, kći Nazifa, iz Zenice, ul Talića brdo 1a. Nalaže se stečajnom dužniku i trećim osobama da stečajnom upravniku predaju u posjed imovinu i dokumentaciju stečajnog dužnika koja je u njihovom posjedu.

III

Pozivaju se povjerioci da u roku od 30 dana, od objave Rješenja o otvaranju stečajnog postupka u „Službenim novinama FBiH“, prijave svoja potraživanja kod stečajnog suda pismenom prijavom u dva primjerka sa priloženim dokazima o osnovanosti potraživanja.

IV

Pozivaju se povjerioci da u roku od 30 dana, od objave Rješenja o otvaranju stečajnog postupka u „Službenim novinama FBiH“ obavjeste stečajnog upravnika koja prava osiguranja potražuju na predmetima imovine dužnika. Pri tome je potrebno navesti predmet na kojem se potražuje pravo osiguranja, vrstu i osnov nastanka prava osiguranja kao i osigurano potraživanje.

V

Pozivaju se lica koja imaju obveze prema stečajnom dužniku da te obveze, bez odlaganja, izvršavaju prema stečajnom dužniku.

VI

Stečajni postupak je otvoren dana, 07.12.2021.godine u 12,00 sati, nakon čega je ovo Rješenje istaknuto na oglasnu ploču suda, web stranici suda-elektronskoj ploči suda, Internet stranici FIA-e i u Službenim novinama F BiH.

VII

Otvaranje stečajnog postupka ima se upisati u sudski registar ovog suda, uz firmu ili naziv stečajnog dužnika ima se izvršiti upis oznake „u stečaju“, a u rubrici "lica ovlaštena za zastupanje subjekta upisa" umjesto imena i prezimena direktora, upis imena i prezimena stečajnog upravnika.

VIII

Ročište povjeritelja na kojem će se ispitati prijavljena potraživanja (ispitno ročište) zakazuje se za dan, četvrtak 24.02.2022.godine sa početkom u 09,00 sati, u zgradi ovog suda soba br. 51.

IX

Ročište povjeritelja na kojem će se na temelju izvještaja stečajnog upravnika, odlučiti o daljem toku stečajnog postupka (izvještajno ročište), zakazuje se za dan, četvrtak 24.02.2022.godine sa početkom u 10,00 sati, u zgradi ovog suda soba br. 51.

Obrazloženje

Likvidator je podneskom od 19.06.2021. godine u predmetu ovog suda broj: 51 0 L 168203 20 L, predložio da se nad pravnim licem GLOBO LUX d.o.o. Vitez otvori stečajni postupak iz razloga što su se stekli uslovi za otvaranje stečajnog postupka. Sud je primio na znanje prijedlog likvidatora pa je Rješenjem od 05.07.2021. godine obustavio likvidacioni postupak i naložio pisarni ovog suda da spis zavede u upisnik stečajnih spisa a sve u skladu sa odredbom člana 9 stav 2. Zakona o likvidacionom postupku

Odredbom člana 103. stav 1. Zakona o stečajnom postupku ("Službene novine FBiH", br. 53/21), je propisano da stečajni sudija može da odluči da otvori stečajni postupak bez izvršenja prethodnog postupka i bez istraživanja razloga za otvaranje stečajnog postupka ako je prijedlog za otvaranje podnio likvidator.

Imajući u vidu gore navedeno sud je na temelju člana 103, 104, 105, 106, 107 i 108. Zakona o stečajnom postupku, odlučio kao u dispozitivu.



Stečajni sudija;
Amir Sobo

POUKA:

Protiv ovog rješenja žalbu može podnijeti stečajni dužnik Kantonalnom sudu u Novom Travniku, u roku od 8 dana od dana objave Rješenja u Službenim novinama FBiH. Žalba se podnosi u 3 primjerka, a putem ovog suda. Žalba odlaže izvršenje Rješenja o otvaranju stečajnog postupka.